



10. oktober 2023

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuningga apeqquteqaateqarpunga:

Naalakkersuisunut apeqquteqaatit:

- 1. Akissarsiallip akileraarutitut akiliutaata procentinngorlugu qanoq annertutigisoq Kalaallit Nunaanni Ilagiinnut isertinneqartarpa?**
 - a. Naalakkersuisut naliliinerisigut tulluurtumik procentinngorlugu qanoq annertutigisoq ilagiinnut akileraarutaasinnaavaa, Inatsisartut aalajangissagaluarpata immikkut ilagiinnut akileraarusersuineq eqqunneqassasoq?**

- 2. Immikkut ilagiinnut akileraarummik eqqussisoqassappat Naalakkersuisut qanoq isumaqarfigaat, innuttaasut Kalaallit Nunaanni Ilagiinnut akiliisanninnissamik toqqagassaqarnissamik periarfissaqalersillugit?**
 - a. Naalakkersuisut isumaqarpat, tulluurtuusoq, Kalaallit Nunaanni Ilagiit oqaluusaannit innuttaasut allamik upperisaqartut, Kalaallit Nunaanni Ilagiit ingerlanneqarnerannut akileeqaataasassasut?**

- 3. Eqqartukkamut tunngasunik allanik soqutiginaatilinnik Naalakkersuisut paasissutissiisnaappat?**

(Inatsisartunut ilaasortaq Bjørk Lange Olsen, Demokraatit)

Tunngavilersuut

Ullumikkut imaappoq, Kalaallit Nunaanni Ilagiit akileraarutitigut akilersorneqarlutik. Tassa tamatta Kalaallit Nunaanni Ilagiinnut akilersuivugut, uppertuugutta uppertuunngikkuttaluunnit lutherikkunnut ilaasortaagutta allamilluunniit upperisaqarutta.

Kukkunerorpasippoq, innuttaasut tamarmik pinngitsaaliissummik upperisamut aalajangersimasumut akiliisinneqartarnerat. Pingaartuuvorli akuersaassallugu Kalaallit Nunaanni ilagiit oqaluttuarisaanikkut kulturikkullu innuttaasunut pingaaruteqarnera.

Tassunga tunngatillugu siunissami aaqqiineq pitsaasoq unaasinnaavoq, Kalaallit Nunaanni Ilagiit Aningaasanut Inatsisikkut tunngaviumik taperneqartarnissaat illuutit iliveqarfiillu aserfallatsaaliornernit, Kalaallit Nunaanni Ilagiit missigersuutaata sinnera pissarsiarineqarluni immikkut ittumik ilagiinnut akileraaruteqarnikkut, Kalaallit Nunaanni Ilagiinni ilaasortaannarnit akilerneqartartussamit. Taamaasilluni ilagiinnut akileraarut Kalaallit Nunaanni Ilagiinnut ilaasortaannermut atassuteqalissamat.

Taamaattumi oqartoqarsinnaavoq, innuttaasut, Kalaallit Nunaanni Ilagiinnut ilaasortaarusunngitsut annikitsunnguamik akileraarutitigut sipaaruteqarsinnaasut.

Apeqquteqaatima ullut suliffiusut qulit nallertinnagit akineqarnissaat qilanaaraara.



DEMOKRAATIT
DEMOKRATERNE